

四庫全書

集部

欽定四庫全書

集部

石倉歷代詩選卷一百

二十四至
三十

詳校官庶吉士

臣范達恩

侍讀

臣

孫球覆勘

總校官進士

臣

朱

鈐

校對官中書

臣

孫

球

謄錄監生

臣

金

翀

欽定四庫全書

石倉歷代詩選卷一百二十四

明 曹學佺 編

宋詩一

冠準

奉聖旨賦牡丹花

時正言直館

栽培終得近天家，獨有芳名出衆花。
香遞暖風飄御座，葉籠輕靄襯明霞。
縱吟宜把紅牋擘，留賞惟張翠幄遮。

深覺侍臣千載幸
許隨仙仗看穠華

江南春

波渺渺柳依依
孤村芳草遠斜日杏花飛
江南春盡離腸斷
蘋滿汀洲人未歸

追思柳惲汀洲之咏尚有遺妍因書一絕

杳杳烟波隔千里
白蘋香散東風起
日落汀洲一望時
愁情不斷如春水

暇日遊建平三閭故里廟貌荒涼慘動耳目噫

賢者之祀世不絕享郡無正人遺棄若是感
事傷俗因留斯句

人生苦遠遊多是悲登眺况復念三閭遺蹤良可弔道
直出章華才高逐邊徼冤聲噴夜江愁色迷烟嶠斷碑
沒敗莎古木吟荒廟祠破少來奠岸峻稀停棹神容漬
老苔壞壁通殘照舊徑失朱門空庭起寒燒餘基雖索
寞清閭長光耀旌賢誰再興勿使過者誚

水閣晨起

板閣常晏眠偶獨起清旦月落簷鳥語烟開客船散長
江色自澄汀樹聲空亂羣動又復然勞勞可長歎

晚望有感

出門望寒野四顧惟椒坡憶昔楚大夫還此情如何殘
陽半明雨水落西風多因同下蔡恨不覺增悲歌

南浦

春色入垂楊烟波漲南浦日落動離魂江花泣微雨

長郊雨餘遠樹減翠新蟬忽鳴激耳嘹唳久客

孤坐情如何哉形之於文聊以自遣

遙山夏雨歇遠樹涼風至憑欄偶開襟新蟬動秋思沙
溪潔細流庭木驚疎翠節候又復然幽憂斯所萃芳歲
若奔流羲光不停轡感物悼前期誰知此時意

雪霽池上

霽雪池上亭晴光扇泉石暖覺岸冰消靜聞簷溜滴務
簡身暫閒景幽心自適極目望南山圭峯露微碧

春日登樓懷歸

高樓聊引望杳杳一川平
遠水無人度孤舟盡日橫
荒村生斷靄深樹語流鶯
舊業通清渭沈思忽自驚

再歸秦川

阮路何方盡西歸興未勞
河流經陝狹山色入秦高
返照明秋壘孤村接暮濤
還如丁令至故里滿蓬蒿

秋夜獨書勉詩友

西風驚萬木危坐思悠哉
故國經年別秋鴻半夜來
人應多棄善天豈不憐才
休學嚴夫子荒涼老釣臺

秋日原上

蕭蕭古原上景物感離腸
遠嶠收殘雨寒林帶夕陽
溪聲迷竹韻野色混秋光
吟罷還西望平沙起雁行

秦中感懷寄江外知己

念子隔江海浩然時已秋
蟬鳴關外樹人在水邊樓
髮白猶搜句時清尚旅遊
遙思當永夜不寐向孤舟

水村即事

虛齋臨遠水吟釣度朝晡
葦岬秋聲合莎亭鶴影孤
片

雲藏疊巘野燒起寒蕪獨步時吟望離人隔五湖

暮秋感興

苒苒前期遠窮途一可傷有時聞落葉不語立殘陽塞
草秋先白溪沙晚更光那堪望天末燕雁又成行

冬夜旅思

年少嗟羈旅烟霄進未能江樓千里月雪屋一龕燈遠
信憑邊雁孤吟寄嶽僧爐灰愁擁坐硯水已成冰

初夏雨中

綠樹新陰暗井桐
雜英當砌墜疎紅
重門寂寂經初夏
盡日垂簾細雨中

感興寄蓮嶽一二詩禪友

西風傷遠別前計
竟成非芳草此時
暮故山何日歸
禪應同雅道貧合
長天機翻憶雲浮
侶無慘對夕暉

湖上作

極目望南浦望中
生遠思雁沈芳草
渡燒斷夕陽陂
歲月寒萍梗江山
念別離汨餘清夜
夢暫與白雲期

鄴北旅中懷友人

浮世多塵事悠悠難定期夢闌懷遠夜秋盡望鄉時道
在應無悶風亡自業詩何當歸釣渚楮肘一沈思

楚江夜懷

西風生遠水蕭颯度吟臺明月夜還滿故人秋未來寒
蛩啼暗壁敗葉下蒼苔誰念空江外年年首重迴

巴東寒食

春雨蕭蕭寒食天遠行猶在楚江邊人思故國迷殘照

鳥隔深花語斷烟薄宦未能酬壯節良時空自感流年
因循未學陶潛興長見孤雲倍黯然

歸州留別傅君

楊柳如絲拂畫橋此中留語欲魂銷還愁別後巴東館
獨聽空江半夜潮

余頃從穰下移涖阿陽洎出中書復領分陝惟
茲二鎮俯接洛都皆山河襟帶之地也每凭
高極望思以詩句狀其物景久而方成絕句

書於河上亭壁

堤草惹烟連野綠
岸花經雨壓枝紅
年來多病辜春醉
惆悵河橋酒旆風

蟬鳴日午樹陰濃
避暑行吟獨杖筇
却愛野雲無定處
水邊容易聳奇峰

岸闊檣稀浪渺茫
獨凭危檻思何長
蕭蕭遠樹疎林外
一半秋山帶夕陽

暮天寥落凍雲垂
一望危亭欲下遲
臨水數村誰畫得

淺山寒雪未銷時

送人

客亭殘照裏歌闌獨南行
芳草無斷色離人多別情
遠塗方不極長笛更飛聲
莫動鄉關念徒令白髮生

柳

曉帶輕烟間杏花晚凝深
翠拂平沙長條別有風流處
密映錢塘蘇小家

南陽春日

水滿池塘花遶城日斜南陌暖風輕千門柳色春烟淡
獨倚高樓聞暮鶯

中書秋日有懷青社舊遊

掖垣秋色生雞樹忽憶青丘感舊情曾倚西樓吟暮雨
數峰寒碧遶高城

送轉運梅學士赴邊郡

悵飲惜離羣窮邊去路分雪深山館夜孤雁背燈聞

又

絕塞程苦遠窮陰歲欲殘石城歸夢斷隴月照人寒

秋懷

輕雲不動日微陰高樹無風秋色深獨聽暮蟬臨水坐
十年林壑阻歸心

秋

自古名高衆毀歸只應身退是知機林風驚斷西窓夢
一夜秋聲憶翠微

秋齋

霽景有誰同遠望秋懷無奈只悲歌雲收遠嶠凝嵐翠
雨歇空庭敗葉多

無題

金甲珠襦鑲繡局杜城殘月葬娥英春風候館花如雪
空有鶯傳度曲聲

巴東驛秋日晚望

楚驛獨閒望山村秋暮天數峰橫夕照孤笛起江船遣
恨須言命冥心漸學禪遲遲未回首深谷暗寒烟

南平驛

心隨流水還鄉國身向青山上屈盤
遠夢不成秋雨細
西風一夜客亭寒

東歸再經峽中

復命經三峽波瀾極目愁片雲生
斷壁孤石礙中流
道
路連巴塞風烟接楚丘
重來登望處因念昔年遊

春陵聞雁

危欄秋盡偶來凭
霜落秋山爽氣澄
誰道衡陽無雁過

數聲殘日下春陵

荆南秋望

西風吹戶牖，獨自客荆蠻。
積水浮秋漢，微陽淡遠山。
蟬稀疎葉盡，雨歇片雲閒。
何日忘簪紱，深居石室間。

秋日

柳衰蟬噪寒烟沒，地迴山遙暮雨收。
宛是昔年秋氣味，只添多病與離愁。

留題洛北羅漢閣

地高閣迴宜閒望望盡雲山首懶迴林下野僧應笑我
半年旌旆四曾來

輦下春日

雨餘宮闕麗春陰三月花光照上林誰倚青樓望歸騎
日斜南陌柳烟深

石倉歷代詩選卷一百二十四

欽定四庫全書

石倉歷代詩選卷一百二十五

明 曹學佺 編

宋詩二

王禹偁

滁州庶子泉

唐大厯中隲西李幼卿
以宮庶領滁來遊故名

物形固天造物景不自勝泉乎未遇人石罅徒流迸宮
相政多暇行樂躡巖磴發蒙漲為溪幽致茲焉盛唐賢

大厯後峭壁刻名姓我來一何暮今秋始乘興山勢環
復缺狀如壺引柄乍挹清泚姿頗愜幽閒性味將春茗
宜光與曉嵐暝架竹落僧厨遠聲入晴磬何當宿禪室
欹枕終夜聽

明月溪

汎流者為誰人骨皆已朽我來尋故跡溪荒亂泉吼惜
哉幽勝事盡落唐賢手惟餘舊時月團團照山口

望日臺

荒臺隱層巒雲磴踰百尺攀蘿試一上依然有遺跡掌
舒舊砌平屏卓諸峯直憑高聊寫望孤懷念鄉國長安
不可見但對金烏赤傾盡葵藿心庶免浮雲隔

陽冰篆

泠泠庶子泉落落陽冰筆雲氣勢崩垂龍蛇互蟠屈嶧
山既剗滅石鼓嗟缺失惟茲數十字適力倚雲窟摸印
徧華夷流傳耀絢帙書誠一藝爾小道詎可忽乃知出
人事千古名不沒

鳳凰陂

次公治潁川仁政被一方神物不藏瑞茲焉集鳳凰在
昔奏簫韶舜庭來踴躍西伯有至化亦見鳴岐陽仲尼
豈無德已矣空悲傷夫何刀筆吏而能致殊祥我來過
荒陂烟草但蒼蒼緬懷漢循吏史筆恐未遑

成武縣作

釋褐來成武初官且自強位卑松在澗俸薄葉經霜雨
菌生書案饑禽啄印牀猶驚寫秋卷槐砌落花黃

寄寧陵陳長官

吏隱寧陵縣琴堂枕古河
家山隔江遠風雨過船多
假日親尋藥公庭自種莎
相逢如舊識執手動勞歌

寄金鄉張贊善

年少辭榮自昔稀朝衣卸却著斑衣
北堂視膳侵星起南畝催畊冒雨歸
種竹野塘春筍脆採蘭幽澗露芽肥
伊予自是徒勞者未得同尋舊釣磯

惠山寺留題

吟入惠山山下寺古泉閒挹味何嘉好拋此日陶潛米
學者煮當年陸羽茶猶負片心眠水石略開塵眼識烟霞
勞生未了還東去孤棹寒篷宿浪花

遊虎丘山寺

寺牆圍著碧孱顏曾是當年海湧山盡把好峯藏院裏
不教幽景落人間劍池草色經冬在石座苔花自古斑
珍重晉朝王令宅一回來此便忘還

寄獻潤州趙舍人

記言簪筆罷攜華郡閣高閒似道家
琴院坐聽江寺磬
郡樓吟見海山霞
春園遺母親燒筍
夜榻留僧自煮茶
應笑陶潛未歸去
折腰奔走在泥沙

除夜寄羅評事同年

郡僚方賀歲獨宿太湖稜堦下
羞為吏船中祇載僧
折梅和薄雪煮茗對孤燈
應恕慵趨府天寒踏曉冰

春日官舍偶題

薄宦苦流離壯年心已衰
鶯花愁不覺風雨病先知
曉

月晃竹屋寒苔疊
籬無人慰幽寂
庭柳自低垂

吳江縣寺留題

松江江寺對峯巒
檻外生池接野灘
幽鷺靜翹春草碧
病僧閒說夜濤寒
晨齋施筍全溪叟
國忌行香祇縣官
盡日門前照流水
塵纓渾擬濯沅瀾

中元夜宿餘杭仙泉寺留題

祭廟迴來略問禪
蘚牆莎徑碧山前
風疏遠磬秋開講
水響寒車夜救田
藍綬有香花萼白
竹窓無寐月嬋娟

自慙政術貽枯旱忍卧松陰漱石泉

中秋月

何處見清輝登樓正午時
莫辭終夕看動是隔年期
冷濕流螢草光凝宿鶴枝
不禁雞唱曉輕別下天涯

蘇州寒食日送人歸覲

江城寒食下花木慘離魂
幾宿投山寺孤帆過海門
蓬聲潑火雨柳色禁烟村
定省高堂後斑衣減淚痕

官舍書懷呈郡守

年來潘令鬢初凋，瘦馬青衫恥下僚。
藥債漸多醫宿疾，宦情猶切戀明朝。
空江梅雨添幽鬱，古縣槐花鎖寂寥。
賴有郡侯知已在，每憐憔悴賞金貂。

贈湖州張從事

前年春勝亞龍頭，詞賦曾推第一流。
上直未歸紅藥院，供吟先得白蘋洲。
酒醒野寺烹山蕨，公退溪亭狎海鷗。
自是吳門折腰吏，滿衣塵土為君羞。

和郡僚題李中舍公署

樹影池光映曉霞
綠楊陰下吏排衙
閒拖屐齒妨橫筍
靜拂琴牀有落花
地脈暗分吳苑水
厨烟時煮洞庭茶
青宮詞客能多暇
按曲飛觴待歲華

題張處士溪居

雲裏寒溪竹裏橋
野人居處絕塵囂
病來芳草生漁艇
睡起殘花落酒瓢
閒把道書尋晚迳
靜攜茶鼎洗春潮
長洲懶吏頻過此
為愛盤餐有藥苗

朝退偶題

吏隱金門祇似閒
退朝窮巷懶開關
經年不到公卿宅
五日空隨侍從班
禁漏出花寒歷歷
御泉通市細潺潺
功名未立年猶少
爭忍攜琴去舊山

送郝校書從事相州

提筆從戎別帝鄉
官清魚領校書郎
將軍幕下紅蓮媚
詩客袖中丹桂香
吟倚旌旗春過雨
醉聽刁斗夜含霜
金臺莫作多時計
非久應歸振鷺行

送夏侯正言奉使江南

百舌關關麥壠青
遠山迎馬翠如屏
禁中已誦相如賦
江外猶看使者星
衣拂茶烟尋水寺
棹歌梅雨泊沙汀
歸期莫過中秋節
待宴甘泉月滿庭

送馮學士入蜀

錦川宜共少年期
四十風情去未遲
蠶市夜歌歌枕處
峨眉春雪倚樓時
休誇上直吟紅藥
多羨乘輶聽子規
莫學當年杜工部
因循不賦海棠詩

和陳州田舍人留別

宛丘分理藉賢明暫輟詞臣撫百城職罷掖垣人共惜
郡連京輔自為榮休吟紅藥堦前色且聽長淮枕上聲
駐馬都門相別處柳黃莎碧上林鶯

硤石縣旅舍

霜乾紅葉飛遷客思淒淒處險人垂癭登山馬裹蹄籬
荒蜚韻苦雲凍雁行低此夕應無寐何煩報曉雞

寒食

今年寒食在商山山裏風光亦可憐稚子就花拈蛺蝶

人家依樹繫鞦韆郊原曉綠初經雨巷陌春陰乍禁烟
副使官閒莫惆悵酒貲猶有撰碑錢

和與盧氏宋少府話舊遊

舊遊前政一追尋官路遷移敵古今黃綬位卑曾歎命
青宮官冷不妨吟烟嵐未改當窓色桃李應垂滿砌陰
好寄新詩題舊壁為言梅福珥朝簪

秋居幽興

秋光雖寂澹幽興入詩家籬暗蛩啼菊園荒蟻上茄圍

棋知日影理髮見霜華向曉兒童喜溪僧遺晚瓜

謫居人事懶幽興與誰同僧到烹秋菌兒啼索草蟲掃
苔留嫩綠寫葉惜殘紅歲晏琴罇好籬邊有菊叢

前賦春居雜興詩間半歲不復省視因男嘉祐
讀杜工部集見語意頗有相類者咨於余且
意余竊之也余喜而作詩聊以自賀

命屈由來道日新詩家權柄敵陶鈞任無功業調時鼎
且有篇章到古人本與樂天為後進誰期子美是前身

從今莫厭閒官職，主管風騷勝要津。

村行

行穿山逕菊初黃，信步悠悠野興長。
萬壑遞聲含晚籟，數峯無語立斜陽。
棠梨葉落胭脂色，蕎麥花開白雪香。
何事吟餘忽惆悵，村橋原樹似吾鄉。

喜雪貽仲咸

半冬無雪懶吟詩，薄暮紛紛喜可知。
衣上惹來看不足，竹邊聽處立多時光。
迷曙色推窓蚤舞徧，寒空下席遲。

今日使君倍相得前車飛絮醉褰帷

霽後望山中春雪

誰種離離碎玉苗曉樓吟望興偏饒
白雲作伴宜長在紅日無情已半消
聚映蚤霞明野寺散隨春水過溪橋
世間那得王摩詰醉展霜鱗把筆描

春郊寓目

百舌嬌慵未苦啼雪隨春水下松溪
何人樵樹和雲斫幾處山田帶雨犁
蜀柳半開鸚鵡眼海棠深結麝香臍

東風似待閒人出一路青莎襯馬蹄

春郊獨步

襟袖飄飄晚吹輕孤吟無侶亦閒行
綠楊繫馬尋芳逕春草隨人上古城
不憤黃鸝誇巧舌多慙戴勝勸歸耕
憑高朗咏沈湘賦自許吾生似賈生

送融州任巽戶曹

御前曾擢首科名一掾如何萬里行
身落蠻夷人共惜罪因文學自為榮
吏供版籍多魚稅民種山田見象耕

君看咸通十司戶投荒終久是公卿

寄商州馮十八仲咸同年

遷客秋來捧詔還故人多怪鬢毛斑重為東掖垣中士
猶夢西暉亭下山薄憶宦情皆是幻老思身計不如閒
何時獲約同歸隱水竹蕭蕭但掩關

送馮中允之任婺州

東南宦途多勝遊婺女星下溪山幽嚴陵隱德七里瀨
沈約詩名八咏樓岸上黍離經故國湖邊木脫正高秋

承明三入妨賢久擬覓江鄉小郡侯

寄題義門胡氏華林書院

水閣山齋架碧虛亭亭華表映門閭
力田歲取千箱稻好事家藏萬卷書
旋對杯盤燒野筍別開池沼養溪魚
吾生未有林泉計空媿妨賢卧直廬

送柴諫議之任河中

蒲津古郡得名公諫紙盈箱且罷封
紅藥堦墀曾吐鳳綠莎廳事舊鳴蜚
下車首謁重華廟入境先經五老峯

見說西河淹卜夏應知教授有遺蹤

滁州官舍

忽從天上謫人間知向山州住幾年俸外不教收果實
公餘多愛入林泉朝簪未解何妨道宦業無機即是禪
鈴閣悄然私自問郡齋何異玉堂前

琅瑯山

連袞復峯巒巒架沈寥流名自東晉積翠滿南譙洞
碧通仙界溪明潤藥苗古臺臨海日絕頂見江潮杉影

拏雲暗泉聲出竹遙廟碑傳漢祖寺額認唐朝旱歲時
霑稼靈蹤合禁樵詩章因我盛屏障遣誰描近住人多
秀頻登酒易銷圖經標八絕鬻霍合相饒

臘月

臘月滁州始覺寒年豐歲暮郡齋閒官供好酒何憂雪
天與新詩合看山日照野塘梅欲綻燒迴荒逕草猶斑
吏人散後無公事門戟森森夕鳥還

寄杭州西湖昭慶寺華嚴社主省常上人

夢幻吾身是偶然勞生四十又三年任誇西掖吟紅藥
何似東林種白蓮入定雪龕燈焰直講經霜殿磬聲圓
謫官不得餘杭郡空寄高僧結社篇

和廬州通判李學士見寄

北門西掖久妨賢出入丹墀近八年且把一麾淮水上
敢思三接浴堂前將何政術稱循吏豈有文章號謫仙
除却清貧入詩詠山城坐客冷無羶

送董諫議之任湘潭

依依行色滿帆檣又借仁風惠遠方暫去長沙非賈誼
猶虛計相待張蒼檻前波浪瀟湘闊雨後汀洲橘柚香
翰苑逐臣知最幸願聽民訟總甘棠

后土廟瓊花詩

春冰薄薄壓枝柯分與清香是月娥忽似暑天深澗底
老松擎雪白娑婆

櫻桃漸熟牡丹已凋恨不同時輒題二韻

紅芳落盡正無慘吟遶空枝首重搔最恨東君才少思

不留檀口待櫻桃

病中書事上集賢錢侍郎

力疾奉朝謁歸來倦送迎老為儒術誤瘦愛道裝輕羅
藥幽香散移琴細韻生晨飧漸有味筍蕨倍關情
妻兒慣疏素僕馬任龍鍾一榻渾無物孤琴對病容風
翻簾影亂早減井痕重幽寂誰為伴扶行賴瘦筇

送譚殿院之任南陽

大底人生樂故居山川況復漢南都別來墳墓有宿草

歸去田園多綠蕪銀印莫羞雙鬢白錦衣兼照兩轡朱
西垣衰病無慘客空羨此行歌袴襦

對酒吟

勸君莫把青銅照一瞬浮生何足道麻姑又採東海桑
閨苑宮中養蠶老任是唐虞與姬孔蕭蕭寒草埋孤塚
我恐自古賢愚骨疊過北邙高突兀少年對酒且為娛
幾日樽前垂白髮

贈省欽

舊隱何年別翠微
瀑泉聲入鑠禪扉
御前曾寫八分字
天上特宣三事衣
燈照夜庵霜後冷
鼎烹秋菌雨中肥
終歸五老峯前去
杯渡長江一錫飛

石倉歷代詩選卷一百二十五

欽定四庫全書

石倉歷代詩選卷一百二十六

明 曹學佺 編

宋詩三

宋祁

九日藥市作

陽九協嘉神期人始多暇五藥會廣廬遊肩閑相駕靈
品羅賈區仙芬冒闥舍擷露來山阿斲烟去巖罅係道

雜提攜盈檐更薦藉乘時物無賤投乏利能射饔飧互
作主參齊交相假曹植謹贗令韓康無二價西南歲多
癘卑濕連春夏佳劑止刀圭千金厚相謝刺史主求瘼
萬室繫吾化顧賴惡石功捫衿重慚惜

思賢閣圖余真愧而成詠

忝中二千石罷去輒圖真揆余本完士早蒙善養仁執
笏班華位飛綬侍邃宸如何金紫服乃裹丘壑身西南
一面重竭來駕朱輪牽拙歲再期初無德在民形象安

足紀崖略聊自陳質陋眸子瞭志泰眉宇伸誰謂彼已

子而傳阿堵神爵里三十八

自參預呂公而下凡四十人雷太尉張尚書程樞

副皆赫赫多名臣瞻前謝前哲垂後慚後人
再至

蜀地海棠繁媚有思加賦幹豐條苒弱可愛北

方所未見諸公作詩流播西人余素好玩不

能自默然所道皆在前人陳迹中如國風申

章亦無愧云

蜀國天餘煦珍葩地所宜濃芳不隱葉併艷欲燃枝襍

綵分羣萼均霞點萬粧淺深雙絕態啼笑兩妍姿絳節
排烟竦丹釭落帶垂迴文錦官日傳信到邊遲

海梭

哆熾風葉張困皺雨皮厚叢櫟列蓋端攢旌注旗首物
以稀見珍材緣怪忘醜

枇杷

有果產西裔作花凌早寒樹繁碧玉葉柯疊黃金丸上
都不可寄咀味獨長歎

答朱公綽牡丹

珍鵲分清賞飛郵附翠籠
蹄金點鬢密璋玉鏤跗紅香
惜持來遠春應摘後空玩詩
仍把酒恨不與君同

贈楞嚴舒公上人

丈室錦城隈庭閒地徧苔
飯從香積取花續少林開講
晝經殘葉禪宵獨委煤無嫌
一時學要是暮雲才

將歸二首

遠假西南守三逢梅柳新
衰令宦情薄老惜歲華頻
郛

釀工銷日巴禽巧喚春離家何所恨雁後作歸人

雲棧短長亭今茲重作經邛崃叱殘馭蜀分使回星旅
鬢雙垂雪羈懷一泛萍驪駒在門久此曲若為聽

長安道中悵然作

三輔古風烟征驂悵未前山園蓬顆外

賈山議始皇侈
莖言後世不得

蓬顆
缺家

宮室黍離邊樹老經唐日碑殘刻漢年便須真隕

涕不待雍門絃

興亡作今古事往始堪悲宮破黃山在城空北斗移走

岡寒兔隱啼戌暮鴉飢灞岸重回首惟餘王粲詩

過惠崇舊居

雖昧平生契懷賢要可傷生涯與薪盡法意共燈長遺
畫空觀貌殘詩孰補亡神期通一語無乃困津梁

僑居

公宇靜寥寥居然俗意銷屐閒誰記齒帶適自忘腰畝
首秋殘穫城西日暮樵比來行樂慣隨意度溪橋

春晏宴北園

天意歇餘芳人閒日始長
落花風觀閣睡鴨雨池塘
稍倦持螯手猶殘藍尾觴
春歸無所預羈客自回腸

臘後晚望

寒日繫難定鳴笳弄已休
凍崖初辨馬昏谷自量牛
漢樹臨關密胡泉入塞流
登高能賦未風物古堯州

贈清逸魏閑處士

奕世依岩石褒恩下帝庭
姓名高士傳父子少微星
池溜遙通澗家林近帶坳
分明詔書意天極賜鴻冥

答勸農李淵宗嘉州江行見寄

嘉月嘉州路，軻我接部船。
山圍杜宇國，江入夜郎天。
霽引溪流望，涼供水閣眠。
愧君舟楫急，遂欲濟長川。

中秋新霽壕水初滿自城東隅泛舟回謝公命賦

齋舫談經後，官池載酒行。
斜陽鳥外落，新月樹端生。
演漾思江浦，夷猶遶郡城。
東轅有遺恨，日想物華清。

再遊海雲寺作

十里雲邊寺重驅千騎來天形欹野盡江勢讓山回園
柰濃成幄樓鐘近殷雷斜陽歸鞅促飛蓋冒輕埃

題信相院默庵

對言方有默因默乃名庵庵留默不遣一物遂為三龜
掃泥中痕正恐力弗堪自問呵默者了然成妄談

渡湘江

春過瀟湘渡真觀八景圖雲藏岳麓寺江入洞庭湖晴
日花爭發豐年酒易沽長沙十萬戶遊女似京都

城隅晚意

寥寥天意晚稍覺并閭閒水落呈全嶼雲生失半山牛
羊樵路暗燈火客舟還瞑思輸鳬鵠歸飛沆漭間

夏日陪提刑彭學士登周襄王故城

聊隨漢使者一止周王城片雨北郊晦殘陽西嶺明野
禽呼自別香草問無名誰復黍離詠但多箕穎情

東晉

倉卒浮江日聲明建號初羣臣讓禁纒上宰製單練氣

銳開桁戰心歡折屐書纖兒競撞壞不念好家居

余昔遊雲臺觀謁希夷先生陳搏祠堂緬想其

人今追作此詩

仙館三峰下年華百歲中夢休孤蝶往蛻在一蟬空藥
笈微言秘宵晨浩氣通丹遺舐後鼎林遣御餘風市霧
沈荒白餐霞委暗紅峨眉有歸約飛步與誰同

懷古眺望

城闌聊屬眺千古恨悠悠夏享空臺毀韓亡故社留廟

祠旌頴鳳溪水識巢牛春色依林動晨烟傍戍浮房騶
閒自集田鶴叫相求町篠黃緣密川葭霍靡柔櫟墟迷
鄭鄙隗路隔軒遊感昔如吾輩曾經幾斛愁

詠史

古有容容福人譏齷齪員生貪巧作奏死戒直如弦欲
重高門地非論媚竈天詩書大儒家絲竹後堂旃東閣
翻芻馬西園竊塋錢道謀誰執咎戶選不因賢朱鼓成
妖日羗雛入賀年須防反室詔終取闔門憐異日讒成

錦先時默似蟬空貽後人歎流涕掩青編

覽蜀宮故城作

國破江山老人亡岸谷摧鴛飛今日屋鹿聚向時臺故
苑猶霏雪荒池但劫灰頽遺糊處壤闔記數殘枚恨月
窺林下悲風寬隴來依城狐獨速失厦燕裴回廢社纔
存樹陰垣自上苔有情惟杜宇長為故王哀

集海雲鴻慶院

地勝祠仍古春餘物徧華山雲時抱石佛雨不萎花嶺

挾樓梯峻巖牽殿城斜淙谿雜環珮怪蔓走龍蛇供坐
僧飛鉢香園客戲沙吾遊真草草深意屬青霞

次韻和李長學士正月二十八日出郊見寄之

什

邦人以是日祠保壽
侯及唐杜丞相云

雅俗傳祠日年華重宴辰初陽澹江霧小雨破街塵客
蓋浮輕吹齋刀儼後陳林芳催兔目原色換龍鱗壤路
歌聲雜構倡舞疊新持盃徧酬客惟欠眼中人

十日宴江瀆亭

節去歡猶在賓來賞更延悠揚初短日淒緊乍寒天霽
治元非漲秋花自少妍蟻留新獻耐蕙續不殘烟戲鯉
衝餘藻遊龜避折蓮流芳真可惜從此遂周年

漱玉齋前雜卉皆龍圖王至之所植各賦一章
凡得八物或賞或否亦應乎至之之意歟遂
寫寄至之

萱草

脩筵無附葉繁萼攢筵首每欲問詩人定得忘憂否

淡紅石榴

移植自西南色淺無媚質不競灼灼華而效離離實

芍藥

有名見鄭風今賞異疇日采花當采根可能治民疾

蜀葵

紅白相嗣繁色鈍香亦淺相對庭戶間俗尚焉能免

竹

脩脩稍出類辭卑不肯叢有節天容直無心道與空

菊

纖莖寒始密秀葉晚逾滋芳意君須識羣葩搖落時

芭蕉

不枝惟葉茂無幹信中空所以免摧折為依君子風

官下

東泊驂驛一駐車
驪雲茱木澹扶疎

鄭有驪山

風經禦寇仙

遊外野識禪
謁草創餘潁谷寒烟仍井邑
時門殘日但丘墟
兩都大道過從盛不稱支離佩左魚

洛陽春

寶樓斜倚闕西天北轉樓陰壓素漣白雪久殘梁複道
黃頭閒守漢樓船塵輕未損朝來霧樹暖才容臘外烟
弭節不妨饒悵戀待歌魚藻記他年

寄題相臺太尉韓公畫錦堂

瑞節前驅畫錦身堂成署榜示州民遷鶯賀燕聯翩集
嘉樹甘棠次第春漳岸夕波通沼溜魏臺暇日弄梁塵
君看千古青編上得意如公有幾人

寒食假中作

九門烟樹蔽春廬
小雨初晴潑火前
草色引開盤馬地
簫聲催暖賣餠天
紫絲早絮輕無著
弄袖和風細可憐
鰲署侍臣貪出沐
珉麋珠餉愧頒宣

把酒

歌管嘈嘈月露前
且將身世付酡然
謾誇鸚鵡機頭箭
不識醯雞甕外天
青史有人譏巧宦
黃金無術治流年
君看醉趣兼醒趣
始覺靈均更可憐

余既到郡有詔仍修唐書寄局中諸僚

一章通奏領州麾詔許殘書得自隨
吾黨成章真小子
官巾了事是癡兒
昏眸視久花爭亂
倦首搔餘雪半垂
所願弟兄皆傑筆
劉生當見汗青期

真定述事

莫嫌屯壘是邇州
試聽山河說上遊
帳下文書三幕府
馬前鞭韉五諸侯
王藩故社經涂國
俠窟餘風解服仇
四十年来民緩帶
使君何事不輕裘

擬杜子美峽中意

天入虛樓倚百層四方遙謝此登臨
驚風借壑為寒籟落日容雲作暝陰
峴井北拋王粲宅楚衣南逐女嬃砧
十年不識長安道九籥宸開紫氣深

春宴行樂家園

園坊初乾小雨泥飲壺遊屐況親攜
身輕早蝶千回舞技癢新禽百種啼
乘飲草茵侵坐軟畏風桃綬向林低
陽暉自有留人意銜照高樓未遽西

落花

墜素翻紅各自傷，青樓烟雨忍相忘。
將飛更作迴風舞，已落猶成半面妝。
滄海客歸珠迸淚，章臺人去骨遺香。
可能無意傳雙蝶，盡付芳心與蜜房。

將到都先獻樞密太尉相公

再試州旗驗不才，却將憔悴到中臺。
相車問罷同牛喘，大廈成時與燕來。
今日謀猷須丙魏，他年賓客但鄒枚。
西園聞道餘春在，尚及花前潑艷盃。

和致政燕侍郎舟中寄晏尚書

異時仙閣對三休
頓首辭榮動邃旒
疏廣故僚供祖帳
鴟夷盡室付歸舟
側堦生玉懷歡宴
列壁圖山代遠遊
新句漸高塵累少
紫芝巖曲要相求

送越州陸學士

梅天霞破候旗乾
鄉樹依然越絕間
挾策當年逢掖去
懷章此日繡衣還
亭餘內史浮觴水
路入仙人取箭山
牛酒盛誇先野宴
不妨春詔得親班

成都

風物繁雄古奧區十年僖父巧論都雲藏海客星間石
花識文君酒處壚兩劍作關屏對繞二江聯派練平鋪
此時全盛超西漢還有淵雲杼頌無

二月十八日席上方憶季長未還不同斯樂欲
作詩寄之會使者來已有新章今牽聯成篇
拜呈上

烟壓西郊雨壓津滿城歌吹為芳辰江形左右衣留帶

柳色高低麴與塵暖逼園花迎望密曉催林鳥每啼新
知君貪擁光華節未肯樽前共惜春

九日宴射

佳節憑高駐綵旗亭臯霧罷轉晨曦棚間羽集號猿後
臺外塵飛戲馬時芳菊治疴爭汎藥丹萸辟惡徧傳枝
明年此會知何處醉玉顏山不用辭

程密學知益州

墀塗畫對別堯莫細札芝泥襲綬馨三蜀舊臺呼輻寵

十連新府夢刀靈雲梯霽日明鈎棧雨閣蒼苔蝕劍銘
只恐廉襦歌未厭熒煌歸應六符星

重陽不見菊

蜀地秋高未擬寒翠苞如粒露華乾重陽已過君休恨
留取金英晚節看

石倉歷代詩選卷一百二十六

欽定四庫全書

石倉歷代詩選卷一百二十七

明 曹學佺 編

宋詩四

楊億

奉和御製社日詩

仙掌凌空沆瀣秋
大田多稼似雲浮
天邊霽景芙蓉闕
江上殘芳杜若洲
東觀羣儒宣宴樂
南荆遺俗重嬉遊

宸章忽降容瞻覩疑是神龜負九疇

別賦賞花

仙山靈沼五城西曉日花光照彩霓露濯冰蠶鋪瑞錦
風吹水麝折香臍芳葩散採添蜂蜜紅片狂飄雜燕泥
曾識壺中舊春色桃源重到路猶迷

郡齋西亭卽事十韻招麗水殿丞武功從事

郡齋退食復何為縱目西亭景物奇疊嶂雨餘泉眼出
澄潭風靜釣絲垂城臨古戍寒蕪闊路轉荒村野約危

幾處唱歌聞白紵誰家沽酒見青旗蝶隨遊妓穿花逕
犬吠行人隔槿籬桃李成蹊春盡後魚鹽為市日中時
桑麻萬頃晴氛散絲竹千門夕照移吟際嶺雲飛冉冉
望中隴麥秀離離烟迷喬木鶯遷蚤水滿方塘鷺下遲
鶴蓋翩然肯相顧主人終宴豈知疲

京師故人有以隴西鸚鵡遺余者因畜養之去
年出守縉雲提挈而至性靈甚慧觸類能言
公退翫之常若不足忽遇疾而逝因命瘞于

小園作詩一章聊以追悼識者無罪余以貴

畜也

隴山秋樹舊巢傾
遠向江東逐旆旌
去國夢魂應繚繞
入春喉舌漸分明
一聲警露何慚鶴
百轉遷喬肯讓鶯
終日雕籠神不王
經年丹嘴色猶輕
思歸悵悵因成疾
顧主依依尚有情
死葬小園芳草地
夜來經雨綠苔生

次韻和席衢州憶洛陽春遊十四韻

周漢經營跡未遐
山川形勝最堪嘉
前瞻闕塞千尋出

旁逗伊流一派斜子晉鳳笙調夜月宓妃羅襪映朝霞
何人貫酒青樓曉幾處尋春紫陌賒駿馬每從金埒試
芳叢多展翠帷遮出逢勝境爭飛蓋歸逼殘陽競走車
庭竹惹烟披嫩籜皋蘭裊露長新芽嵩峰嶮嶭疑摩斗
洛水清泠欲見沙萬井閭閻真陸海九重宮闕是天家
禁林日暖空啼鳥御苑風微自落花關路行人偏絡繹
津橋賈客苦諠譁何當獻賦論遷鼎便欲拋官學種瓜
江海三年勞夢想田園二頃有生涯應知父老沾堯化

長挈壺漿望翠華

到郡滿歲自遣

迢遞分符竹因循度歲華
地將鯨海接路與鳳城賒
觸石雲頻起銜山日易斜
潮平聚漁市木落見人家
吏隱偏知幸民謠豈敢誇
無嫌勾漏僻且得養丹砂

偶書

朱輪遠守詎成歡
薄宦令人意漸闌
郡閣政清慵按吏
鄉園路近易休官
梅花遶檻驚春早
布水當簷覺夏寒

已是三年不聞問何如歸去把漁竿

題張濬所居壁

三張舊族富英髦仙墅重經散鬱陶深喜太丘家法在
須知定國里門高分題每日搖雞距合宴常時把螯
獨感戴侯恩未報徘徊不覺涕沾袍

題張居士壁

疊巘參差翠遶門雕梁賀燕自成羣殺雞日夕期嘉客
種竹寒暄對此君且向東臯輸黍稷應須北闕降玄纁

子真漫說耕巖石不禁聲名四遠聞

留題黃山院

未忝離離一徑通遊人攬轡即過從
趨齋幽鳥聞疎磬
出定高僧記偃松夜半龕燈凝古殿
雨餘巖溜迸前峰
昔年曾此題名處素壁欹斜翠蘚重

梁舍人奉使巴中

藥署深嚴纔草詔劍關迢遞忽乘輶
霜天歷歷巴猿苦
山路駸駸笮馬驕梁苑寒風吹別袂
瞿塘春水送歸橈

紫垣遣使非常例，應有星文動九霄。

次韻和盛博士雪霽之什

六花新霽白皚皚，爽氣颼颼拂面來。
梁苑酒濃寒力減，謝池風細凍文開。
天邊幾陣聞歸雁，江外千家見蚤梅。
此際何人能訪戴，剡溪清景好銜杯。

宋殿丞廣南東路轉運

天子憂南越，公卿薦陸生。
九年須富國，萬里便揚旌。
封部諸蠻接，官曹六尚榮。
交州何日到，鼓吹定相迎。

閣門廖舍人知袁州

駸駸五馬動征塵
太守風流世絕倫
身事漢庭為小相
家傳楚國是騷人
烟波莫歎重湖遠
桑梓仍將別墅鄰
麥穗微黃稻苗綠
朱輪入境便行春

次韻和宗人安期見賀恩命之什

分班曉入翔鸞闕
直閣旁連浴鳳池
綵筆閒批五色詔
好風時動萬年枝
勒移鐘阜慙歸晚
稱疾文園恨思遲
何事吾宗心倍喜
春塘夢徹寄新詩

成都鳳道人遊終南山謁种徵君

何年出蜀訪南宗
深鎖閒房翠蘚重
振錫忽聞遊地肺
題門無得謁人龍
供吟一路高秋月
投宿斜陽遠寺鐘
到日彌天清論罷
行尋紫閣與圭峰

七夕

金壺漏滴正迢迢
迢迢靈匹相從在
此宵
月魄嬋娟烏遶樹
河流清淺鵲成橋
雲輕天上榆花沒
風細爐中麝炷飄
寂寞堪憐觀津女
無眠耿耿望青霄

大理黃丞使潁州

詳刑新佐張廷尉出塞曾隨霍冠軍露版裁書頻倚馬
甘泉獻賦舊凌雲幾瞻龍袞堯階側暫駕星輶汝水濱
百萬提封周制復三千奏牘漢皇聞依蓮幕府遊從近
聚米山川向背分迴日受釐宣室對又應前席動吾君
王中庸赴河南鞏縣尉

春風祖席引香醪白馬驪駒草色袍官舍前臨兩京道
居民半雜五陵豪卑飛碌碌猶棲棘餘地恢恢暫鼓刀

捧檄初同昔人喜不應搔首歎徒勞

陳小著知邵武軍

奏牘金門奉帝俞平明鸞省剖銅符北堂送喜應占鵲
南國思歸不為鱸歲月天涯鄉樹老烟波江上客帆孤
會稽友壻堪羞死邑令今來負弩驅

王殿丞通判桂州

科名得玉向崑丘家世長淮入海流通籍殿中鈎盾省
頒條嶺外桂林州漢皇前席期清夜楚客歸帆指素秋

父老歡聞鄰郡政壺漿千里待鳴騶

慎大詹以吳柑見貺

龍陽休說木奴洲震澤黃柑占上流承露玉漿仙掌曙
亞霜金顆洞庭秋香黏素手吳娃麗冷滌朝醒楚客愁
應似荔枝催入貢隨河飛鳥逐鳴騶

秘閣舒職方知舒州

西崑冊府控千廬鉛筆多年校魯魚厭享雙雞大官膳
貪乘五馬使君車明光畫省辭青瑣天柱仙壇訪紫書

只恐政成拋印綬攜家深入白雲居

擇良上人歸天台

片席然犀經水府幾程登陸望霞標吟情晚日繁雲合
歸路秋風密葉凋行道六時廬嶽漏浮杯千里浙江潮
舊房宴坐觀空後香積多年飯頓銷

遊王氏東園

名園聊得拂塵衣深入春叢一逕微萬樹未饒金谷富
百畦猶有漢陰機青蘋風暖天雞出文杏巢乾海燕歸

向晚鳴騶九門路柳堤回首獨依依

書懷寄劉五

風波名路壯心殘三逕荒涼未得還
病起東陽衣帶緩愁多騎省鬢毛斑
五年書命塵西閣千古移文愧北山
獨憶瓊枝苦霜霰清樽歲晏強酡顏

吳待問之蒙城簿

西來赴調合關繻黃綬風塵厭九衢
祖席且同開口笑公庭未免折腰趨
長安車馬偏欺客魯國衣冠肯戲儒

共憶故園歸計晚，舊遊烟樹隔重湖。

休沐述懷寄秘閣錢少卿

風號電笑雨平堦，紈素微涼暗入懷。
晝枕乍成園吏夢，晨蔬聊學太常齋。
名慙引籍通丹地，心愧移文刻翠崖。
大隱金門猶自適，日親方朔聽詼諧。

附錢惟演詩

寄靈仙觀舒職方學士

方瞳玄髮粉為郎，絳闕齋心奉紫皇。
徵士高懷雲在嶺，

騷人秋思水周堂閒園露草開三徑靈宇華燈燭九光
知有美田堪種玉幾時春渚逐歸艎

南朝詠古

結綺臨春暎夕霏景陽鐘動曙星稀潘妃寶釧光如晝
江令花牋落似飛舴艋臨波朱火度觚稜拂漢紫烟微
自從飲馬秦淮水蜀柳無因對殿幃

詠唐天寶間事

山上湯泉架玉梁雲中複道吐瑤光絲囊暗合三危露

翠幃時遺百和香任是金雞親便坐更拋珠被掩方牀
匆匆一曲梁州罷萬里橋邊見夕陽

公子

蓮勺交衡接荻園來時十里一開筵歌翻南國桃根曲
馬過章臺杏葉鞦別殿對迴雙綬貴後門歸夜九枝然
閒隨翠幃欹烏帽紫陌三條入柳烟

漢武

一曲橫汾鼓吹迴侍臣高會柏梁臺金芝煜煜凌晨見

青雀軒翔白晝來立候東溟邀鶴駕窮兵西極待龍媒
甘泉祭罷神光滅更遣人間識玉杯

成都

武侯千載有餘靈盤石刀痕尚未平巴婦自饒丹穴富
漢庭還負碧砮征雨經蜀市應和酒琴到臨邛別寄情
知有忠臣能叱馭不論雲棧尚崢嶸

始皇

天極周環百二都六王鐘鐻接流蘇金椎漫築甘泉道

已首還隨督亢圖已覺副車驚博浪更攜連弩望蓬壺
不將寸土封諸子劉項絲來是匹夫

無題

誤語成疑意已傷春山低斂翠眉長鄂君繡被朝猶掩
荀令薰爐冷自香有恨豈因燕鳳去無言寧為息侯亡
合歡不驗丁香結祇得淒涼對燭房

其二

簾聲燭影浪多疑仙穀何能為解迷藻井風高蛛壞網

杏梁春暖燕爭泥更看山遠堆凝黛縱許犀靈祗駭雞
枉裂霜繒幾千尺紅蘭終夕露珠啼

苦熱

赫日烘霞鬪曉光雙紋枕簟碧牙牀頻傾蜜勺寧蠲渴
久捧冰壺未覺涼雪嶺却思隨博望風窓猶欲傲羲皇
更憐乳燕翻飛處深入盧家白玉堂

秋日小園

碧簟涼生白袷衣庾園秋晚得幽期千房嫩菊金螢亂

百草衰荷鈿扇歇日薄蘚花沿素壁雨淫蛙鼓占清池
脩然自合蒙莊趣誰識無心似標枝

劉子儀詩

淮水暴漲舟中有作

行行極目天無柱渺渺橫流眼有花客子方思舟下碇
陰虬自喜海為家村遙樹列秦川薺岸闊牛分觸氏蝸
鳶嘯風高良可畏此情難諭坎中蛙

寄靈仙觀舒職方學士

石渠仙署久離羣抗迹丹臺世絕倫揚子不甘嘲尚白
漆園終許自全真紫烟深處鸞雙舞朱髓成來鳥共伸
若向雲中見雞犬可能渾望姓劉人

題林處士肥上新屋壁

久厭侯鯖盡室來卜居鄰近釣魚臺舊山鶴怨無錢買
新竹僧同道宅栽斗酒誰從揚子學扁舟空訪戴逵回
抽毫有污東陽望但借明時老澗才

南朝詠古

華林酒滿勸長星青漆樓高未稱情麝壁燈迴偏照日
雀航波漲欲浮城鐘聲但恐嚴妝晚衣帶那知敵國輕
千古風流佳麗地盡賒哀思與蘭成

詠唐明皇

歲歲南山見壽星百蠻回首奉威靈梨園法部無胡部
玉輦長亭復短亭河鼓暗期隨日轉馬嵬恨血染塵腥
西歸重按臨波舞故老相看但涕零

漢武

漢武天臺接絳河半涵飛霧鬱嵯峨桑田準待他年變
瓠子先成此日歌夏鼎幾遷空象物秦橋未就已沈波
相如作賦徒能諷却助飄飄逸氣多

成都

鏤膚剽俗恣邊遨或得蹲鴟號富饒井絡共知天與險
蠶叢無奈世興妖杜鵑積恨花如血諸葛遺靈柏半燒
才似文園何足道一生琴意祇成瘳

公子

油壁香車隔渭橋
黃山路遠若相邀
行庖爨蠟雕胡熟
永埒鋪金汗血驕
別館橫陳張靜婉
期門長揖霍嫖姚
注鈎握槊曾無憚
綠柱膏濃曉未銷

石倉歷代詩選卷一百二十七

欽定四庫全書

石倉歷代詩選卷一百二十八

明 曹學佺 編

宋詩五

韓琦

啄木

剝剝復卜卜意若念良木營營求蠹心未獲空我腹或
露一襠紅或展雙翅綠捷緣都盧橦響弄羯鼓曲搜索

不知疲利甯信摧秃忽爾破姦穴種類無遺族內孽固
難辨一發知潛伏彼實害珍材盡殄此非酷飽食作羣
飛時下泉沼浴歸鳴涼樹陰暮趁高枝宿

感花

雕堂瞰寶欄有花病不妍誰知窮山頂牡丹一尺圓寶
欄鋤溉足窮山風日煎彼此不得地天道胡為然兩適
終難得茲恨無窮年

廣陵大雪

淮南常歲冬猶燠今年陰沴何嚴酷黑雲漫天一月昏
大雪飛揚平壓屋風力軒號助其勢擺撼琳琅摧凍木
通宵徹晝不暫停堆積樓臺滿溪谷有時造出可憐態
柳絮梨花亂紛撲乘溫變化雨聲來度日階庭恣淋漓
幾縈寒霰不成絲驟集疎簷還掛瀑

答袁陟節推遊禪智寺

春去惜餘景偶來郊外觀蕪城千古恨一顧殊悲酸荒
祠枕大道尚記吳城阡遠近綠陰合水襯紅英殘隴麥

齊若翦隨風卷波瀾罷農喜有望守臣心粗寬蕭疎禪
智寺壞址不甚完叢花亂芍藥籬竹摧琅玕空有亭亭
柏成行如筆端供帳具朝膳僚寀成清歡小杜詩板暗
樂石曾未刊乘興詣茶圃百步登平巒摘焙試烹啜甘
挹零露溥午過倦微暑堤路騰歸鞍天子憂歲旱引咎
古所難列郡承新詔朝夕弗敢安況此行春意固不在
遊盤

臘日出獵近郊

悲風吼林霜草白殺氣稜稜慘空碧因畋講事比其時
况值嘉平覆已隙暫整和門出近郊獵獵旌旗原燒赤
狩場一望天四垂貔虎意豪猶恨窄鼓動圍開翼復箕
人知部分如刀劃飛走竄伏不得暇狡兔幸生徒奮擲
飢鷹眼捷翅頭健下韝風發無虛榻鵲拳交擊或未仆
繼嗾韓盧追以咋忽穿叢薄失所捕恥焉便縱摩霄翮
不似寒鷗得腐鼠傲然有視鷄雛嚇鳥鷄鵲雉曷足數
亦有晨風競搜索其間駭獸欲陵突悍卒爭趨矜手格

前驅反旆弗及舍丘山大委虞中獲翻車瀉酒犒士衆
萬刀刳肉恣燔炙塞防寓令豈徒然不在詩人刺荒癰
王者設官猶取衆大姦宿猾許擒扼乘時廢職莫自效
勿謂鷙鳥無全策別有老狐智計巧只就高城營窟宅
疑冰識極行步穩此日胡由見蹤跡鵬兮鵬兮未得志
將軍憤懣如何釋

病鶴貽劉易

塵寰病思苦仙府歸魂勞禿翼敗風霰卑棲掩蓬蒿池

圃擯時玩難覓豈吾曹誰知牢落心萬里孤雲高

遊開化寺

開化得地勝崇侈何代作全山鏡佛身萬木亘高閣烟
霞無四時為我張幄幙飛泉乘空來直在庭砌落松柏
森成行鬬狀蛟龍惡如整萬人陣偏伍不敢錯距城纔
一舍曠絕類霄堦噫吾何自勞日窘吏事縛到官踰一
期未克造林壑引疾得鄉邦晝錦行遂著猛拋公几煩
不負真境約精廬始一登百慮已澄却徘徊延賓僚開

席盛燕酌歌留嶺上雲吹亂風前鐸勿譏清賞累粗縵
東山樂

離并州至晉祠次韻答宣徽富公

公名傑出天下賢終身師慕常顙顙十年一面數日別
行行不忍移歸輶剛腸出淚收還注感公知己難違去
黃昏病作宿荒城離緒不堪紛似雨

答陳舜俞推官惠詩求全瓦古硯

鄴宮廢瓦埋荒草取之為硯成堅好求者如麻幾百年

宜乎今日難搜討吾邦匠巧世其業能辨瓌竒幼而老
隨材就器固不遺大則梁棟細棼橑必須完者始稱珍
何殊巨海尋三島荆人之璧尚有瑕夏后之璜豈無考
況乎此物出坯陶千耕萬斲常翻攪吾今所得不專全
祕若英瑤藉文縑君詩苦擇未如意持贈只虞咍絕倒
君不見鎮圭尺二瑁四寸大小雖異皆君寶

孫賁書記以齊安舊文為示感而成詠

余兄天聖中尚抑齊安守余遭所生憂得歸侍左右孤

熒獲苟存朝夕賴誨誘兄材無不宜吏治孰可偶公庭
常寂然所樂在文酒臨江三四樓次第壓城首山光拂
軒檻波影撼窓牖原鵠欵集間萬景皆吾有兄詩豪且
奇氣鯁摩星斗優遊預賡和惟自愧荒醜于今四十年
日月甚奔走當時相聚者十已喪八九嘗為春亭記烏
敢示不朽孫君里中來云亭廢亦久徒有舊文在況足
失其手兄後見曾孫弟老成衰叟一身雖寵榮百慮鎮
紛糾何如昔日歡悲泣念愛友

次韻和子淵學士春雨

天幕沈沈淑氣溫
雨絲輕軟墜雲根
洗開春色無多潤
染盡花光不見痕
寂寞畫樓和夢鎖
依微芳樹過人昏
堂虛座密珠簾下
試問淳于醉幾樽

周沆著作宰秀州嘉禾

庇身名邑得嘉禾
銅墨猶嗟滯俊科
前席未期宣室召
聞絃還總武城歌
酒旗穿柳春堤迴
魚艇藏花夕唱和
對此不勞披縣譜
且求新句解詩魔

叔平學士知青州

厭直圖書府思為海岱州郡符分竹使親膳潔蘭羞文
石輸忠密仙山進職優過家門納駟卜地隴眠牛暮霰
凌羈玉朝噉艷戟油恩寬敷漢北政善洽齊謳水際春
芳盛尊中客醞浮物饒三服麗居樂五民遊松鬣低容
宴峰螺翠入樓行聞西掖召真賞莫淹留

館直二闋

玉山岑寂雪花乾仙掌風高露未溥自笑曼都凡格在

一宵無奈月邊寒

章溝傳漏過三更霜壓寒威特地生苦恨回環窓外鐸
幾番幽夢不教成

和春卿學士柳枝詞

章街風曉起新眠寒食輕陰未雨天無限青絲拂遊騎
一生芳意負金鞭

淡烟輕日簇誰家微出青旗一帶斜對景似嫌春意老
更搖疎影掃殘花

和邃卿學士雪霽登祕閣

曉來延閣步層梯
春色周圍一望低
殘雪半留珠殿北
非烟長護綺窓西
幽情自逐歸鴻斷
芳意還因遠樹迷
金匱有書猶未見
祕封香篆鎖芝泥

上巳前與同舍出郊過金明池

天波新綠染成春
波面輕風起細鱗
隔岸鳥聲低弄曲
出牆花艷遠含顰
柳絲傷別還多緒
鷗為忘機不避人
三月偷遊仙署友
肯思迢遞走征輪

和春卿學士登廣文閣觀京闕之盛

層閣鬱嵒嵒登臨逸意和
雨餘春物動天濶夕陽多
棋布金杯第環通壁沼波泥中足車騎應笑翟公羅

駕幸西太一宮陌上耕者叱牛聲厲左右皆笑
之

皇心閔雨出西坳親禱靈宮致潔誠
扈蹕不知農事苦
輦前爭笑叱牛聲

召赴天章閣觀新刻成仁宗御詩

天閣當年拂霧宣紫皇端宸侍羣仙親揮龍鳳軒騰字
命繼咸韶雅正篇勸酌履行均聖寵賜花中出奪春妍
玉峰光景都如舊但睇宸章極泫然

上巳會興慶池

元已開樽處垂花碧洞前綺羅明浩渺臺榭插漪漣曲
水來如篆輕橈去若仙春寒芳意晚未見柳飛綿

上巳晚遊九曲池

九曲池邊第一開艤舟同賞盡高才灣流自得黃河勢

怪石應從紫閣來，塵外恍迷仙境界。
竹間深有古亭臺，徘徊復至豐碑下。
花萼吁嗟作盜灰。

春陰馬上

正是風和日暖天，重陰凌擾苦纏綿。
蕉心自結憑誰展，柳眼慵開只待眠。
草濕漫鋪留醉席，榆寒難擲買春錢。
幾時霞外氛霾散，放出紅輪一丈圓。

會故集賢崔侍郎園池

崔園高絕五門西，塵外風光是處宜。
唐室舊池因地得，

漢宮遺址上樓知青螺萬嶺前為障碧竹千竿近作籬
我住鄴臺殊草創一來尤覺翫歸遲

山樓

西北高樓上南山日面欄勢籠秦地勝陰落渭波寒帶
雨新屏活穿雲古道難仙局如可造便擬挂朝冠

流杯

迢遞穿花出彎環作篆來若非天上醴不泛洞中杯水
鳥浮還沒仙航去復回蓬瀛真境事銷得玉山頽

石林

叢石競嶄巖當軒翠撲嵐疑峰何啻九仙島迴侔三潤
極雲猶抱溫多玉尚含樓高慵引望坐看小終南

再題休逸臺

冰井梁摧幾百秋昔移為柱立臺頭層基面壘盤蝸殼
倒影侵池側蜃樓拂檻落霞凌綺席入簷初月誤瓊鉤
芳林已合陰成茂不見西山涌萬丘

觀魚軒

雨後方池碧漲秋觀魚亭檻俯臨流時看隱荇駢頭戲
忽見開萍作隊游喜擲舟前翻亂錦靜潛波下起圓漚
吾心大欲同斯樂肯插筠竿餌釣鉤

中秋席上

去年西洛過中秋正怯清光刺病眸此夜北都逢好月
喜延嘉客上高樓真居自與風塵絕雅句須窮造化搜
但引流霞歌白雪豈殊身在廣寒遊

九日水閣

池館隳摧古榭荒，此延嘉客會重陽。
雖慙老圃秋容淡，且看寒花晚節香。
酒味已醇新過熟，蠟黃先實不須霜。
年來飲興衰難強，漫有高吟力尚狂。

次韻答致政趙少卿

登科常愧處盧前，敍齒于兄小十年。
鶴不稱軒猶自若，鴻誰能弋已安然。
山頭俗駕歸誠晚，湖外扁舟見獨先。
惟有大釣公道在，方圓隨物舊同甄。

九月四日會安正堂

秋光濃拂使君家尚去重陽五日賒且誦好詩成素飲
更先諸客對黃花池萍漬雨錢錢密塞雁書空字字斜
但縱高吟開醉膽莫驚搖落動悲嗟

士子三月十八日遊御河

三月遊河魏國風愜山通日正暄融壓沙寺古花殘雪
過馬橋高水飲虹衆樂自深春色外萬愁俱泯醉吟中
天公恐雨傷民意只放輕雲暝碧空

八月十九日賞菊

春英無不惜開遲秋菊常懷素景悲慣負晚霜甘索寞
忽逢先閨促離披欲移庭檻嫌傷早擬泛賓壘未入時
自是寒花當守分一違佳節速人嗤

初冬祀墳

曉乘輕凜上平岡西歎親塋一舍強帶靄遠峰時隱見
半霜殘葉雜青黃來年渴雨空成隴賓雁衝雲自著行
此日初冬嚴祀事只增歎感不夸鄉

提舉陳龍圖遷居邢臺

鄉居新葺後歸興邈難招老去重離別秋來添寂寥雲
橫初送雁渡淺未成橋千里猶思駕封圻幸不遙

崔象之宰韓成

去年同舉菊花觴自揭清音入醉鄉此日高秋來一別
幾旬佳節亦重陽風生古操安新治雨徹疎茅鎖舊堂
民里更繁應自化宰君心地本空王

石倉歷代詩選卷一百二十八

欽定四庫全書

石倉歷代詩選卷一百二十九

明 曹學佺 編

宋詩六

文彥博

留守相公寵示東田讌集詩依韻和呈

嘗同徐勉構東田花竹成陰雨後天為愛憲臺寬白簡
得隨相府賞紅蓮清樽屢酌吟情逸紅袖頻翻舞態妍

歸興直須三鼓盡月華應是十分圓

留守相公寵賜雅章召赴東樓真宰之會次韻

和呈

朱樓華閣府園東蝸陋仍依美庇中
儵幕深嚴依綠水
楚臺高迴快雄風
四絃清切呈新曲
雙袖蹁躚試小童
况是元規興不淺
歸軒爭敢便匆匆

次韻留守相公同遊龍門

鑿開青嶂啓天門
直瀉伊流淺汝濱
八節驚濤鼉振鼓

千花寶塔雁翔雲
崑隈雨過飛泉漲
谷口風回墮葉紛
龕穴隆穹三像列
樓臺華煥兩崖分
方陪菑旆來尋勝
不就蒲殮趁茹葷
北里笙竽皆擁從
東山羅綺半酣醺
升堂共覩皤仙貌
策杖同尋古士墳
喜脫貂冠親野老
幸隨熊軾附邦君
林巒岑寂真堪賞
市井喧譁漸厭聞
人度長川猶隱映
香銷古殿尚氤氲
周生歸後蘭重佩
荀令行時蕙更薰
曉露未晞珠滴淚
秋花爭發錦桃文
羣娃散步塵生襪
小舫爭登水濺裙
釣叟旁觀皆歎羨

禪師迎謁盡歡欣既無冗局羈閒迹忍促回軒背夕曛
得向石頭溪上飲從今遂不畏移文

知府學士堯夫遠寄雅章曲念衰老謹依高韻
和呈粗伸感佩之意

幾年洛社盍朋簪照席瓊枝秀出林月夕同遊詩筆健
花時共賞酒杯深帝綸中出榮開府使節西馳愴判襟
遠寄佳章念衰朽知君最有歲寒心

和致政張微大夫見貽之什

自愧無才濟世難
貂蟬掛了謝朝班
襟形散逸塵埃外
杖履逍遙水石間
君亦早拋華省貴
人皆仰羨白雲閒
湖溪聞與郊居近
不用拈錢刺買山

送彌陀實師訪積慶西堂順老

好去三摩地相逢兩會家
禪心究實際惠眼絕空花
聞在東林日常烹北苑茶
願將甘露味餘洒濟河沙

感舊念遊作憶鱸詩

西風一棹思鱸興
抖擻塵纓歸舊廬
最憶香山石樓下

清伊深處釣寒魚

追思洛社閒遊伴屈指于今大半亡
若到龍門更聞笛
定知悲感似山陽

清明日玉津園賜宴即席

節應桐華始筵開禁苑新
推恩緣舊物加惠及陳人衆
樂聞天奏同寅會柄臣
蘭肴享豐潔桂醕酌芳醇
覆育需雲廣涵濡湛露均
桑榆垂晚景何路報堯仁

西歸日瓊林苑賜宴即席

竊祿叨榮四紀餘
退思僥倖亦無如
趨朝再覩新宮省
解紱還歸舊里廬
報國丹心明皎皎
戀軒疲足去徐徐
羣公盡出都門祖
盛事光于漢二疏

臣伏蒙聖恩今月二日就瓊林苑特遣中使寵
賜御詩仰味聖言恭披宸翰曲推恩禮過獎
愚臣感愧之深負荷弗克輒課愚陋恭和聖
製

老臣為感恩殊趣
治輕裝覲帝居
錫宴便蕃親鳳席

賜章重疊捧龜書康時有志才終短報國無功術已疎
身在洛陽心魏闕願傾丹懇上公車

送圓明大師歸吳興

數曲清琴達舜聰瑤津仙苑助薰風朝端多士知音久
雪上故棲歸思濃命服鮮華新爛熳行裝輕簡舊焦桐
鄉人若問大檀越盡在名經千部中

某再獲謝事歸老洛帥留守相公玉汝寵惠台
什過形獎予謹達來貺

二聖恩深念老臣許從休退樂伊濱重觀景物皆塵迹
喜見居留是故人林下放懷無簡束樽前道舊長精神
公雖久作東田伴却佇黃樞秉化鈞

野意山情頗以自適故作是詩

引得清伊一派通三灣相接勢無窮便成渺渺江湖趣
更有蕭蕭蘆葦風西洛故年為勝地東田今日屬衰翁
藥園事迹分明在盡見雲卿舊記中

遊東田八韻

文物平津閣風流太傅山勝遊松島外故迹藥園間霜
藪編為屋寒荆川作闕窓櫺雲漠漠畦竇水潺潺蘆渚
炊烟起萍漚釣艇還竹經朝雨翠荷借夕陽殷幽興能
招隱高情自愛閒從來行樂處攜手一開顏

題郭熙畫樵夫渡水扇

淺水深山一徑通樵夫涉水出林中可憐畫筆多情思
寫在霜紈一扇風

次韻留守相公玉汝以某赴東庄特賜佳篇

東郊瘠土纔千畝，繞舍團椒僅百家。
地接玉泉多草木，路經維嶺少風沙。
能留過客雖無餌，時對清樽亦有花。
昔日相君曾降顧，常憂蝸陋不容車。

某以端居多暇，懷洛成詩，蒙家運使兵部俯垂

屬和拙詩伸謝

倦翼念歸林，幽懷動越吟。
更回谿叟信，深契野雲心。
巴里傳高唱，英韶繼善音。
便須傳洛社，紙價重千金。

偶書答岐守吳卿幾復北京作

君說歸期未有期西風又是鱸鱸時何當會集香山伴
同赴松窓燭下棋

耆老會詩

九老唐賢形繪事元豐今勝會昌春垂肩素髮皆詩彥
揮麈清談盡席珍染翰不停詩思健飛觴無算酒行頻
蘭亭雅集誇脩禊洛社英遊忝序賓自愧空疎陪几杖
更容款密奉簪紳當筵尚齒尤多幸十二人中第二人

次韻秦帥經畧呂通議過洛少留

喜過西都暫解鞍樽前不惜醉酡顏推襟道舊從容久
落筆成詩頃刻間塞外定知威令肅幙中嘗得雅歌閒
相門出相歸人望瑣闥難淹侍從班

近聞有真率會呈提舉端明司馬

近知雅會名真率率意從心各任真顏子簞瓢猶自樂
庾郎鮭韭不為貧加籩只恐勞煩主緝御徒能困倦賓
務簡去華方盡適古來彭澤是其人

提舉端明寵示三月三十日雨中書懷包含廣

博義味精深詞高韻險宜其寡和輒次元韻

春光垂欲盡夏景漸增添鬱鬱松篁茂蕭蕭風雨魚花
心隨絮落屐齒被苔粘巧囀鶯遷木驚飛燕入簾蝦鬚
穿曲沼虎爪度前簷坐久香銷炷吟多筆費尖雲容方
靄靄日色未炎炎舞鶴傾丹頂遊龜散綠髯命賓常務
率出令更須嚴詩詠當階藥書尋傍架籤蘭芬衣可襲
露潤草俱沾貴近辭金馬編脩賜玉蟾高懷惟自適獨
樂未嘗厭赤白曾詔丙丹青每誚閤沖和緣養浩寂莫

為安恬身處貧無愧心貪道不廉成文推大手濟用鄙
輕纖視履循清節祈恩陋雜占聞韶欣鳳舞在藻愛魚
潛鱸膾思漁艇貂冠望酒帘聖時非吏隱賢業繫民瞻
撫事惟公論摛辭乃自謙保躬誠易退康世義難淹類
句慙無取酬言幸不嫌

奉陪伯溫中散程伯康朝議司馬君從大夫席
于所居小園作同甲會

四人三百十二歲況是同生丙午年招得梁園工賦客

合成商嶺採芝仙清談疊疊風盈席素髮影影雪滿肩
此會從來誠未有洛中應作畫圖傳

留守相公和提舉端明作三壽公字韻詩輒繼

前韻

三川開盛府萬鑰主離宮雪苑延梅叟湖園奉晉公因
依念有素出處幸多同雅會歡言意今推前輩風

答龐相家園雖陋春物向榮日冀相車時枉遊

覽未蒙寵降承貺佳章謹次嚴韻

一塵幽趣斗城西竹映軒窓柳拂堤園吏每誇風物美
主人常歎簿書迷碧池荷動觀魚戲朱檻梧傾待鳳栖
惟願毗耶長者至莫憂花裏有鶯啼

附范鎮詩

信相院慧燈

行樂到蕭寺像殿何煌煌僧年過九十細話燈燄長方
憶齟齬時初離父母鄉是時循舊跡晝夜不暫忘自事
膏火來日就與月將始卒未嘗暗眉髮皆如霜禦風設

絳紗求福無異香寒村會織女借餘坐如筐陋巷苦志
士鑿壁偷鄰光

石倉歷代詩選卷一百二十九